

नमो नमो निम्मलदंसणस्स
पूज्य आनंद-क्षमा-ललित-सुशील-सुधर्मसागर गुरुभ्यो नमः

On Line – आगममंजूषा
आयारो-निज्जुत्ति

* संकलन एवं प्रस्तुतकर्ता *

मुनि दीपरत्नसागर [M.Com., M.Ed., Ph.D.]

॥ किञ्चित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।

* मूल आगम-मंजूषा के संपादन की किञ्चित् भिन्नता का स्वीकार *

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।

[५] “कल्प(बारसा)सूत्र” को भी मूल आगममंजूषा में सामिल किया गया है।

-मुनि दीपरत्नसागर

: Address:-

Mnui Deepratnasagar,
MangalDeep society, Opp.DholeswarMandir,
POST:- THANGADH Dist.surendranagar.
Mobile:-9825967397 jainmunideepratnasagar@gmail.com

मुनि दीपरत्नसागर



श्रीआचाराङ्गनिर्युक्तिः- वंदितु सबसिद्धे जिणे अ अणुओगदायए सबे । आयारस्स भगवओ निज्जुत्तिं कित्तइस्सामि ॥१॥ आयार अंग सुयखंध बंभ चरणे तहेव सत्थे य । परिणाए संणाए निक्खेवो तह दिसाणं च ॥२॥ चरणदिसावजाणं निक्खेवो चउक्कओ य नायवो । चरणंमि छविहो खलु सत्तविहो होइ उ दिसाणं ॥३॥ जत्थ य जं जाणिजा निक्खेवं निक्खेवे निरव-सेसं । जत्थविय न जाणिजा चउक्कयं निक्खेवे तत्थ ॥४॥ आयारे अंगंमि य पुव्वुद्धिओ चउक्कनिक्खेवो । नवरं पुण नाणत्तं भावायारंमि तं वोच्छं ॥५॥ तस्सेगट्ट पवत्तण पढमंग गणी तहेव परिमाणे । समुयारे सारो य सत्तहि दारेहि नाणत्तं ॥६॥ आयारो आचालो आगालो आगरो य आसासो । आयारिसो अंगंति य आइण्णाऽऽजाइ आमोक्खा ॥७॥ सब्बेसिं आयारो तित्थस्स पव-त्तणे पढमयाए । सेसाइं अंगाइं इक्कारस आणुपुब्बीए ॥८॥ आयारो अंगाणं पढमं अंगं दुवालसण्हंपि । इत्थ य मोक्खोवाओ एस य सारो पवयणस्स ॥९॥ आयारम्मि अहीए जं नाओ होइ समण-धम्मो उ । तम्हा आयारधरो भण्णइ (प्र० बुच्चइ) पढमं गणिट्ठाणं ॥१०॥ णवबंभचेरमइओ अट्टारसपयसहस्सिओ वेओ । हवइ य संपंचचूलो बहुबहुतरओ पयग्गेणं ॥११॥ आयारग्गाणऽत्थो बंभच्चेरेसु सो समोयरइ । सोऽवि य सत्थपरिणाए पिट्ठिअत्थो समोयरइ ॥१२॥ सत्थपरिणाअत्थो छस्सुवि काएसु सो समोयरइ । छज्जीवणियाअत्थो पंचसुवि वएसु ओयरइ ॥१३॥ पंच य महब्रयाइं समो-यरंते य सब्बद्वेसुं । सब्बेसिं पज्जवाणं अणंतभागम्मि ओयरइ ॥१४॥ छज्जीवणिया पढमे बीए चरिमे य सब्बदबाइं । सेसा महब्रया खलु तदेक्कदेसेण दबाणं ॥१५॥ अंगाणं किं सारो ? आयारो, तम्म हवइ किं सारो ? । अणुओगऽत्थो सारो, तस्सऽवि य परूवणा सारो ॥१६॥ सारो परूवणाए चरणं तस्सवि य होइ निव्वाणं । निव्वाणस्स उ सारो अब्बाबाहं जिणा विति ॥१७॥ बंभम्मी य चउक्कं ठवणाए होइ बंभणुप्पत्ती । सत्तण्हं वण्णाणं नवण्ह वण्णंतराणं च ॥१८॥ एक्का मणुस्सजाइं रज्जुप्पत्तीइ दो कया उसभे । तिण्णेव सिप्पवणिए सावगधम्मम्मि चत्तारि ॥१९॥ संजोगे सोल-सगं सत्त य वण्णा उ नव य अंतरिणो । एए दोवि विगप्पा ठवणाबंभस्स णायव्वा ॥२०॥ पगई चउक्कगाणंतरे य ते हुंति सत्त वण्णा उ । आणंतरेसु चरमो वण्णो खलु होइ णायवो ॥२१॥ अंबट्टुग्गानिसाया अजोगवं मागहा य सूया य । खत्ता य विदेहाविय चंडाला नवमगा हुंति ॥२२॥ एगंतरिए इणमो अंबट्टो चेव होइ उग्गो य । बिइयंतरिअ निसाओ परासरं तं च पुण वेगे ॥२३॥ पटिलोमे सुदाइं अजोगवं मागहो य सूओ य । एगंतरिए खत्ता वेदेहा चेव नायव्वा ॥२४॥ वितियंतरे उ नियमा चण्डालो सोऽवि होइ णायवो । अणुलोमे पटिलोमे एवं एए भवे भेया ॥२५॥ उग्गेणं खत्ताए सोवागो वेणवो विदेहेणं । अंबट्टी सुदीए य बुक्कसो जो निसाएणं ॥२६॥ सुदेण निसाईए कुक्करओ सोऽवि होइ णायवो । एसो बिइओ भेओ चउक्कविहो होइ णायवो ॥२७॥ दब्बं सरीर भविओ अन्नाणीवत्थिसंजमो चेव । भावे उ वत्थिसंजम णायवो संजमो चेव ॥२८॥ चरणंमि होइ छक्कं गइमाहारो गुणो व चरणं च । खित्तंमि जंमि खित्ते काले कालो जहिं जाओ (प्र० जो उ) ॥२९॥ भावे गइमाहारो गुणो गुणवओ पसत्थमपसत्था । गुणचरण पसत्थेण बंभचेरा नव हवंति ॥३०॥ सत्थपरिणा १ लोगविजओ २ य सीओसणिज्ज ३ सम्मत्तं ४ । तह लोगसारनामं ५ धूयं ६ तह महपरिणा ७ य ॥३१॥ अट्टमए य विमोक्खो ८ उवहाणसुयं ९ च नवमंगं भणियं । इच्चेसो आयारो आयारग्गाणि सेसाणि ॥३२॥ जिअसंजमो १ अ लोगो जह बज्झइ जह य तं पज्जहियदं २ । सुहदुक्खवितिक्खाविय ३ सम्मत्तं ४ लोगसारो ५ य ॥३३॥ निस्संगया ६ य छट्टे मोहसमुत्था परीसहुवसग्गा ७ । निज्जाणं ८ अट्टमए नवमे य जिणेण एवं (प्र० यं) ति ९ ॥३४॥ जीवो लक्कायपरूवणा य तेसिं वहे य बंधोत्ति । विरईए अहिगारो सत्थपरिणाए णायवो ॥३५॥ दब्बं सत्थग्गिविसन्नेहंबिलखारलोणमाईयं । भावो य दुप्पउत्तो वाया काओ अविरई या ॥३६॥ दब्बं जाणण पच्चक्खाणे दविए सरीर उवगरणे । भावपरिणा जाणण पच्चक्खाणं च भावेणं ॥३७॥ सूत्रं ॥ दब्बे सच्चित्ताई भावेऽणुभवणजाणणा सण्णा । मति होइ जाणणा पुण अणुभवणा कम्मसंजुत्ता ॥३८॥ आहार भय परिग्गह मेहुण सुख दुक्ख मोह वित्तिगिच्छा । कोह माण (मय) माय लोहे सोगे लोगे य धम्मोहे ॥३९॥ नामं ठवणा दविए खित्ते तावे य पण्णवग भावे । एस दिसानिक्खेवो सत्तविहो होइ णायवो ॥४०॥ तेरसपएसियं खलु तावइएसुं भवे पएसुं । जं दब्बं ओगाढं जहण्णयं तं दसदिसागं ॥४१॥ अट्टपएसो रुयगो तिरियं लोयस्स मज्झयारंमि । एस पभवो दिसाणं एसेव भवे अणुदिसाणं ॥४२॥ इंदग्गेई जम्मा य नेरुती बारुणी य वायव्वा । सोमा ईसाणावि य विमला य तमा य बोद्धव्वा ॥४३॥ दुपएसाइ दुरुत्तर एगपएसो अणुत्तरा चेव । चउरो चउरो य दिसा चउराइ अणुत्तरा दुण्णि ॥४४॥ अंतो साईआओ बाहिरपासे अपज्जवसिआओ । सव्वाऽणंतपएसो सव्वा य भवंति कडजुम्मा ॥४५॥ सगडुद्धिसंठिआओ महादिसाओ हवंति चत्तारि । मुत्तावली य चउरो दो चेव हवंति रुयगनिभा ॥४६॥ जस्स जओ आइच्चो उदेइ सा तस्स होइ पुब्बदिसा । जत्तो अ अत्थमेइ उ अवरदिसा सा उ णायव्वा ॥४७॥ दाहिणपासंमि अ दाहिणा दिसा उत्तरा उ वामेणं । एया चत्तारि दिसा तावखित्ते उ अक्खाया ॥४८॥ जे मंदरस्स पुब्बेण मणुस्सा दाहिणेण अवरणेण । जे आवि उत्तरेणं सब्बेसिं उत्तरो मेरू ॥४९॥ सब्बेसिं उत्तरेणं मेरू लवणो य होइ दाहिणओ । पुब्बेणं उट्टेई अवरणेणं अत्थमइ सूरु ॥५०॥ जत्थ य जो पण्णवओ कस्सवि साहइ दिसासु य णिमित्तं । जत्तोमुहो य ठाई सा पुब्बा पच्छओ अवरा ॥५१॥ दाहिणपासंमि उ दाहिणा दिसा उत्तरा उ वामेणं । एयासिमन्तरेणं अण्णा चत्तारि विदिसाओ ॥५२॥ एयासिं चेव अट्टण्हमंतरा अट्ट हुंति अण्णाओ । सोलस सरीरउत्सयबाहल्ला सब्बतिरियदिसा ॥५३॥ हेट्ठा

पायतलाणं अहो दिसा सीसुवरिमा उट्ठा । एया अट्टारसवी पण्णवगदिसा मुणेयव्वा ॥५४॥ एवं पकप्पिआणं दसण्ह अट्टण्ह चैव य दिसाणं । नामाइं वुच्छामि जहक्कमं आणुपुट्ठीए ॥५५॥ पुट्ठा य
 पुट्ठदक्खिण दक्खिण तह दक्खिणावरा चैव । अवरया य अवरउत्तर उत्तर पुट्ठुत्तरा चैव ॥ ५६ ॥ सामुत्थाणी कविला खेलिज्जा खलु तहेव अहिधम्मा । परियाधम्मा य तहा सावत्ती पण्णवित्ती य
 ॥५७॥ हेट्ठा नेरइयाणं अहो दिसा उवरिमा उ देवाणं । एयाइं नामाइं पण्णवगस्सा दिसाणं तु ॥५८॥ सोलस तिरियदिसाओ सगडुद्धीसंठिया मुणेयव्वा । दो मल्लगमूलाओ उट्ठे अ अहेवि य दिसाओ
 ॥ ५९ ॥ मणुया तिरिया काया तहऽग्गबीया चउक्कगा चउरो । देवा नेरइया वा अट्टारस होंति भावदिसा ॥ ६० ॥ पण्णवगदिसाऽट्टारस भावदिसाओऽवि तत्तिया चैव । इक्किक्कं विंधेज्जा हवंति
 अट्टारसऽट्टारा ॥ ६१ ॥ पण्णवगदिसाए पुण अहिगारो अत्थ होइ णायव्वो । जीवाण पुग्गलाण य एयासु गयागई अत्थि ॥ ६२ ॥ केसिंचि नाणसण्णा अत्थि केसिंचि नत्थि जीवाणं । कोऽहं
 परंमि लोए आसी ? कयरा दिसाओ वा ? ॥ ६३ ॥ जाणइ सयंमईए अत्तेसिं वावि अन्तिए सोच्चा । जाणगजणपण्णविओ जीवं तह जीवकाए वा ॥ ६४ ॥ इत्थ य सहसंमइअत्ति जं पयं
 तत्थ जाणणा होई । ओहीमणपज्जवनाणकेवले जाइसरणे य ॥ ६५ ॥ परवइवागरणं पुण जिणवागरणं जिणा परं नत्थि । अण्णेसिं सोच्चत्तिय जिणेहिं सब्बो परो अण्णो ॥ ६६ ॥ तत्थ अकारि
 करिस्संति बंधचिंता कया पुणो होइ । सहसम्मइया जाणइ कोई पुण हेतुजुत्तीए ॥६७॥ अ० १ उ१ ॥ पुट्ठीए निक्खेवो परूवणा लक्खणं परीमाणं । उवभोगो सत्थं वेयणा य वहणा निवित्ती य
 ॥ ६८ ॥ नामंठवणापुट्ठी दव्वपुट्ठी य भावपुट्ठी य । एसो खलु पुट्ठीए निक्खेवो चउविहो होइ ॥ ६९ ॥ दव्वं सरीर भविओ भावेण य होइ पुट्ठविजीवो उ । जो पुट्ठविनामगोयं कम्मं वेएइ
 सो जीवो ॥ ७० ॥ दुविहा य पुट्ठविजीवा सुहुमा तह बायरा य लोगम्मि । सुहुमा य सब्बलोए दो चैव य बायरविहाणा ॥ ७१ ॥ दुविहा बायरपुट्ठी समासओ सण्हपुट्ठवि खरपुट्ठी । सण्हा य
 पंचवण्णा खरा य छत्तीसइविहाणा ॥ ७२ ॥ पुट्ठी य १ सक्करा २ वालुगा ३ य उवले ४ सिला ५ य लोणू ६ से ७ । अय ८ तंब ९ तउअ १० सीसग ११ रूप १२ सुवण्णे १३ य वइरे १४ य ॥ ७३ ॥
 हरियाले १५ हिंगुल १६ मणोसिला १७ सासगं १८ जण १९ पवाले २० । अब्भपडल २१ अब्भवालुअ २२ बायरकाए मणिविहाणा ॥ ७४ ॥ गोमे २३ ज्जए य २४ रुयगे २५ अंके २६ फलिहे २७
 य लोहियक्खे २८ य । मरगय २९ मसारगळे ३० भुयमोयग ३१ इंदनीले ३२ य ॥ ७५ ॥ चंदप्पह ३३ वेरुलि ३४ जलकंते ३५ चैव सूरकन्ते ३६ य । एए खरपुट्ठीए नामं छत्तीसइं होई ॥ ७६ ॥
 वण्णरसगंधफासे जोणिप्पमुहा भवंति संखेज्जा । णेगाइं सहस्साइं हुंति विहाणंमि इक्किक्के ॥ ७७ ॥ वण्णंमि य इक्किक्के गंधंमि रसंमि तह य फासंमि । नाणत्ती कायव्वा विहाणए होइ इक्किक्के ॥ ७८ ॥
 जे बायरे विहाणा पज्जत्ता तत्तिआ अपज्जत्ता । सुहुमावि हुंति दुविहा पज्जत्ता चैव अपज्जत्ता ॥ ७९ ॥ रुक्खाणं गुच्छाणं गुम्माण लयाण वह्निवलयणं । जह दीसइ नाणत्तं पुट्ठीकाए तहा जाण
 ॥ ८० ॥ ओसहि तण सेवाले पणगविहाणे य कंद मूले य । जह दीसइ नाणत्तं पुट्ठीकाए तहा जाण ॥ ८१ ॥ इक्कस्स दुण्ह तिण्ह व संखिज्जाण व न पासिउं सक्का । दीसंति सरीराइं पुट्ठविजियाणं
 असंखाणं ॥ ८२ ॥ एएहिं सरीरेहिं पच्चक्खं ते परूविया हुंति । सेसा आणागिज्झा चक्खुप्फासं न जं (ते) इंति ॥ ८३ ॥ उवओग जोग अज्झवसाणे मइसुय अचक्खुदंसे य । अट्टविहोदयलेसा सन्नस्सासे
 कसाया य ॥ ८४ ॥ अट्ठी जहा सरीरंमि अणुगयं चैयणं खरं दिट्ठं । एवं जीवाणुगयं पुट्ठविसरीरं खरं होइ ॥ ८५ ॥ जे बायरपज्जत्ता पयरस्स असंखभागमित्ता ते । सेसा तिच्चिवि रासी वीसुं लोया
 असंखिज्जा ॥ ८६ ॥ पत्थेण व कुडवेण व जह कोइ मिणिज्ज सब्बधन्नाइं । एवं मविज्जमाणा हवंति लोया असंखिज्जा ॥ ८७ ॥ लोगागासपएसे इक्किक्कं निक्खेवे पुट्ठविजीवं । एवं मविज्जमाणा हवंति
 लोआ असंखिज्जा ॥ ८८ ॥ निउणो उ होइ कालो तत्तो निउणयरयं हवइ खित्तं । अंगुलसेठीमित्ते ओसप्पिणिओ असंखिज्जा ॥ ८९ ॥ अणुसमयं च पवेसो १ निक्खमणं २ चैव पुट्ठविजीवाणं ।
 काए ३ कायट्टिइया ४ चउरो लोया असंखिज्जा ॥ ९० ॥ बायरपुट्ठविकाइयपज्जत्तो अन्नमन्नमोगाढो । सेसा ओगाहंते सुहुमा पुण सब्बलोगंमि ॥ ९१ ॥ चंकमणे य ट्ठाणे निसीयण तुयट्टणे य कयकरणे ।
 उच्चारे पासवणे उवगरणाणं च निक्खिक्खवणे ॥ ९२ ॥ आलेवण पहरण भूसणे य कयविक्कए किसीए य । भंडाणंपि य करणे उवभोगविही मणुस्साणं ॥ ९३ ॥ एएहिं कारणेहिं हिंसंती पुट्ठविकाइए
 जीवे । सायं गवेसमाणा परस्स दुक्खं उदीरंति ॥ ९४ ॥ हलकुलियविसकुद्दालऽलित्तयमिगसिंङ्कट्टमग्गी य । उच्चारे पासवणे एयं तु समासओ सत्थं ॥ ९५ ॥ किंची सकायसत्थं किंची परकाय
 तदुभयं किंची । एयं तु दव्वसत्थं भावे अ असंजमो सत्थं ॥ ९६ ॥ पायच्छेयण भेयण जंघोरु तहेव अंगुवंगेसुं । जह हुंति नरा दुहिया पुट्ठविकाए तहा जाण ॥ ९७ ॥ नत्थि य सि अंगुवंगा
 तयाणुरूवा य वेयणा तेसिं । केसिंचि उदीरंती केसिंचऽतिवायए पाणे ॥ ९८ ॥ पवयंति य अणगारा ण य तेहिं गुणेहिं जेहिं अणगारा । पुट्ठविं विहिंसमाणा न हु ते वायाहिं अणगारा ॥ ९९ ॥
 अणगारवाइणो पुट्ठविहिंसगा निग्गुणा अगारिसमा । निदोसत्ति य मइला विरइदुगुंछाइ मइलतरा ॥ १०० ॥ केई सयं वहंती केई अत्तेहिं उ बहाविंती । केई अणुमन्नंती पुट्ठविकायं वहेमाणा
 ॥ १०१ ॥ जो पुट्ठवि समारंभइ अत्तेऽवि य सो समारंभइ काए । अनियाए अ नियाए दिस्से य तहा अदिस्से य ॥ १०२ ॥ पुट्ठविं समारंभंता हणंति तच्चिस्सिए य बहुजीवे । सुहुमे य बायरे
 य पज्जत्ते या अपज्जत्ते ॥ १०३ ॥ एयं वियाणिऊणं पुट्ठीए निक्खिक्खवंति जे दंडं । तिविहेण सब्बकालं मणेण वायाए काएणं ॥ १०४ ॥ गुत्ता गुत्तीहिं सब्बाहिं, समिया समिईहिं संजया ।

जयमाणगा सुविहिया, एरिसया हुंति अणगारा ॥१०५॥ अ० १३०२। आउस्सवि दाराइं ताइं जाइं हवंति पुढवीए। नाणत्ती उ विहाणे परिमाणुवभोगसत्थे य ॥१०६॥ दुविहा उ आउजीवा सुहुमा तह बायरा य लोगंमि। सुहुमा य सबलोए पंचेव य बायरविहाणा ॥१०७॥ सुद्धोदए १ य उस्सा २ हिमे य ३ महिया ४ य हरतण ५ चेव। बायरआउविहाणा पंचविहा वणिया एए ॥१०८॥ जे बायरपज्जत्ता पयरस्स असंखभागमित्ता ते। सेसा तिन्निवि रासी वीसुं लोगा असंखिज्जा ॥१०९॥ जह हत्थिस्स सरीरं कललावत्थस्स ऽहुणोववन्नस्स। होइ उदगंडगस्स य एसुवमा सब- (आउ) जीवाणं ॥११०॥ ण्हाणे पिअणे तह धोअणे य भत्तकरणे य सेए अ। आउस्स उ परिभोगो गमणागमणे य जीवाणं ॥१११॥ एएहिं कारणेहिं हिंसंती आउकाइए जीवे। सायं गवेसमाणा परस्स दुक्खं उदीरंति ॥११२॥ उस्सिचणगालणधोवणे य उवगरणमत्तभंडे य। बायरआउक्काए एयं तु समासओ सत्थं ॥११३॥ किंची सकायसत्थं किंची परकाय तदुभयं किंची। एयं तु दव्वसत्थं भावे य असंजमो सत्थं ॥११४॥ सेसाइं दाराइं ताइं जाइं हवंति पुढवीए। एवं आउदेसे निज्जुत्ती कित्तिया एसा (होइ) ॥११५॥ अ० १३०३। तेउस्सवि दाराइं ताइं जाइं हवंति पुढवीए। नाणत्ती उ विहाणे परिमाणुवभोगसत्थे य ॥११६॥ दुविहा य तेउजीवा सुहुमा तह बायरा य लोगंमि। सुहुमा य सबलोए पंचेव य बायरविहाणा ॥११७॥ इंगाल १ अगणि २ अच्ची ३ तह जाला ४ मुम्मुरे ५ य बोद्धवे। बायरतेउविहाणा पंचविहा वणिया एए ॥११८॥ जह देहप्परिणामो रत्तिं खज्जोयगस्स सा उवमा। जरियस्स य जह उम्हा तओवमा तेउजीवाणं ॥११९॥ जे बायरपज्जत्ता पलिअस्स असंखभागमित्ता उ। सेसा तिण्णिवि रासी वीसुं लोगा असंखिज्जा ॥१२०॥ दहणे पयावण पगासणे य सेए य भत्तकरणे य। बायरतेउक्काए उवभोगगुणा मणुस्साणं ॥१२१॥ एएहिं कारणेहिं हिंसंती तेउकाइए जीवे। सायं गवेसमाणा परस्स दुक्खं उदीरंती ॥१२२॥ पुढवी आउक्काए उल्ला य वणस्सई तसा पाणा। बायरतेउक्काए एयं तु समासओ सत्थं ॥१२३॥ किंची सकायसत्थं किंची परकाय तदुभयं किंची। एयं तु दव्वसत्थं भावे य असंजमो सत्थं ॥१२४॥ सेसाइं दाराइं ताइं जाइं हवंति पुढवीए। एवं तेउदेसे निज्जुत्ती कित्तिया एसा ॥१२५॥ अ. १ उ. ४। पुढवीए जे दारा वणसइकाए ऽवि हुंति ते चेव। नाणत्ती उ विहाणे परिमाणुवभोगसत्थे य ॥१२६॥ दुविह वणस्सइजीवा सुहुमा तह बायरा य लोगंमि। सुहुमा य सबलोए दो चेव य बायरविहाणा ॥१२७॥ पत्तेया साहारण बायरजीवा समासओ दुविहा। बारसविह ऽणेगविहा समासओ छबिहा हुंति ॥१२८॥ रुक्खा १ गुच्छा २ गुम्मा ३ लया ४ य वल्ली ५ य पव्वगा ६ चेव। तण १ वलय २ हरिय ३ ओसहि ४ जलरुह ५ कुहणा ६ य बोद्धवा ॥१२९॥ अग्गबिया मूलबीया खंधबिया चेव पोरबीया य। बीयरुहा संमुच्छिम समासओ वणस्सईजीवा ॥१३०॥ जह सगलसरिसवाणं सिलेसमिस्साण वत्तिया वट्ठी। पत्तेयसरीराणं तह हुंति सरीरसंघाया ॥१३१॥ जह वा तिलसक्कुलिया बहुएहिं तिलेहिं मेलिया संती। पत्तेयसरीराणं तह हुंति सरीरसंघाया ॥१३२॥ नाणाविहसंठाणा दीसंती एगजी- विया पत्ता। खंधावि एगजीवा तालसरलनालिएरीणं ॥१३३॥ पत्तेया पज्जत्ता सेटीए असंखभागमित्ता ते। लोगासंखप्पज्जत्तगाण साहारणा ऽणंता ॥१३४॥ एएहिं सरीरेहिं पच्चक्खं ते परूविया जीवा। सेसा आणागिज्झा चक्खुणा जं न दीसंति ॥१३५॥ साहारणमाहारो साहारण आणपाणगहणं च। साहारणजीवाणं साहारणलक्खणं एयं ॥१३६॥ एगस्स उ जं गहणं बहूण साहारणाण तं चेव। जं बहुयाणं गहणं समासओ तंपि एगस्स ॥१३७॥ जोणिब्भूए बीए जीवो वक्कमइ सो व अन्नो वा। जो ऽवि य मूले जीवो सो च्चिय पत्ते पढमयाए ॥१३८॥ जो पुण मूले जीवो सो निवत्तेइ जा पढमपत्तं। कंदाइ जाव बीयं सेसं अन्ने पकुब्बंति ॥ (अव्याख्या) ॥ चक्काणं भज्जमाणस्स, गंठी चुण्णघणो भवे। पुढवीसरिसभेएणं, अणंतजीवं वियाणेहि ॥१३९॥ गूढसिराणं पत्तं सच्छीरं जं च होइ निच्छीरं। जं पुण पणट्टसंधिय अणंतजीवं वियाणाहि ॥१४०॥ सेवालकच्छभाणि य अवए पणए य किंनए य हटे। एए अणंतजीवा भणिया अन्ने अणेगविहा ॥१४१॥ एगस्स दुण्ह तिण्ह व संखिज्जाण व तहा असंखाणं। पत्तेयसरीराणं दीसंति सरीरसंघाया ॥१४२॥ इक्कस्स दुण्ह तिण्ह व संखिज्जाण व न पासिउं सक्का। दीसंति सरीराइं निओयजीवाण ऽणंताणं ॥१४३॥ पत्थेण व कुडवेण व जह कोइ मिणिज्ज सबधन्नाइं। एवं मक्खिज्जमाणा हवंति ल्सेया अणंता उ ॥१४४॥ जे बायरपज्जत्ता पयरस्स असंखभागमित्ता ते। सेसा असंखलोया तिन्निवि साहारणा ऽणंता ॥१४५॥ आहारे उवगरणे सयणासण जाण जुग्गकरणे य। आवरणपहरणेसु अ सत्थविहाणेसु अ बहूसु ॥१४६॥ आउज्ज कट्टकम्मे गंधगे वत्थ मल्ल जोए य। झावणवियावणेसु अ तिण्हविहाणे अ उज्जोए ॥१४७॥ एएहिं कारणेहिं हिंसंति वणस्सई बहू जीवे। सायं गवेसमाणा परस्स दुक्खं उदीरंति ॥१४८॥ कप्पणिकुहाणि असियगदत्तियकुइ ऋवासिपरसू अ। सत्थं वणस्सईए हत्था पाया सुहं अग्गी ॥१४९॥ किंची सकायसत्थं किंची परकाय तदुभयं किंची। एयं तु दव्वसत्थं भावे अ असंजमो सत्थं ॥१५०॥ सेसाइं दाराइं ताइं जाइं हवंति पुढवीए। एवं वणस्सईए निज्जुत्ती कित्तिया एसा ॥१५१॥ अ. १ उ. ५। तसकाए दाराइं ताइं जाइं हवंति पुढवीए। नाणत्ती उ विहाणे परिमाणुवभोगसत्थे अ ॥१५२॥ दुविहा खलु तसजीवा लद्धितसा चेव गइतसा चेव। लद्धीय तेउवाउ- तेण ऽहिगारो इहं नत्थि ॥१५३॥ नेरइयतिरियमणुया सुरा य गइओ चउबिहा चेव। पज्जत्ता ऽपज्जत्ता नेरइयाई अ नायवा ॥१५४॥ तिविहा तिविहा जोणी अंडयपोअजराउआ चेव। बेइंदिय तेइंदिय चउरो पंचिंदिया चेव ॥१५५॥ दारं ॥ दंसणनाणचरित्ते चरियाचरिए अ दाणलाभे अ। उवभोगभोगवीरिय इंदियविसए य लद्धी य ॥१५६॥ उवओगजोगअज्जवसाणे वीसुं च

लद्धिओदइया (णं उदया) । अट्टविहोदय लेसा सन्नूसासे कसाए अ ॥ १५७ ॥ लक्खणमेव चैव उ पयरस्स असंखभागमित्ता उ । निक्खमणे य पवेसे एगाईयावि एमेव ॥ १५८ ॥ निक्खम-
 पवेसकालो समयाई इत्थ आवलीभागो । अंतोमुहुत्तऽविरहो उदहिसहस्साहिए दोन्नि ॥ १५९ ॥ दारं ॥ मंसाई परिभोगो सत्थं सत्थाइयं अणेगविहं । सारीरमाणसा वेयणा य दुविहा बहुविहा य
 ॥ १६० ॥ दारं ॥ मंसस्स केइ अट्टा केई चम्मस्स केइ रोमाणं । पिच्छाणं पुच्छाणं दंताणऽट्टा वहिज्जंति ॥ १६१ ॥ केई वहंति अट्टा केइ अणट्टा पसंगदोसेणं । कम्मपसंगपसत्ता बंधंति वहंति मारंति
 ॥ १६२ ॥ सेसाइं दाराइं ताइं जाइं हवंति पुढवीए । एवं तसकायंमी निज्जुत्ती कित्तिया एसा ॥ १६३ ॥ अ. १३. ६ ॥ वाउस्सऽवि दाराइं ताइं जाइं हवंति पुढवीए । नाणत्ती उ विहाणे परिमाणुव-
 भोगसत्थे य ॥ १६४ ॥ दुविहा उ वाउजीवा सुहुमा तह बायरा उ लोगंमि । सुहुमा उ सबलोए पंचेव य बायरविहाणा ॥ १६५ ॥ उक्कलिया १ मंडलिया २ गुंजा ३ घणवाय ४ सुद्धवाया ५ य ।
 बायरवाउविहाणा पंचविहा वण्णिया एए ॥ १६६ ॥ जह देवस्स सरीरं अंतद्धानं व अंजणाईसु । एओवम आएसो वाएऽसंतेऽवि रूवंमि ॥ १६७ ॥ जे बायरपज्जत्ता पयरस्स असंखभागमित्ता
 ते । सेसा तिन्निवि रासी वीसुं लोगा असंखिज्जा ॥ १६८ ॥ दारं ॥ वियणधमणाभिधारण उस्सिचणफुमणआणुपाणू अ । बायरवाउक्काए उवभोगगुणा मणुस्साणं ॥ १६९ ॥ विअणे अ तालियंटे
 सुप्प सियपत्त चेलकण्णे य । अभिधारणा य बाहिं गंधग्गी वाउसत्थाइं ॥ १७० ॥ किंची सकायं ॥ (अव्याख्या) ॥ सेसाइं दाराइं ताइं जाइं हवंति पुढवीए । एवं वाउहेसे निज्जुत्ती कित्तिया एसा
 ॥ १७१ ॥ उ. १७ अ. १ ॥ सयणे य अददत्त बीयगंमि माणो अ अत्थसारो अ । भोगेसु लोगनिस्साइ लोगे अममिज्जया चैव ॥ १७२ ॥ लोगस्स य विजयस्स य गुणस्स मूलस्स तह य ठाणस्स ।
 निक्खेवो कायवो जंमूलागं च संसारो ॥ १७३ ॥ लोगत्ति य विजअत्ति य अज्झयणे लक्खणं तु निष्फण्णं । गुणमूलं ठाणंति य सुत्तालावे य निष्फण्णं ॥ १७४ ॥ लोगस्स य निक्खेवो अट्टविहो
 छविहो उ विजयस्स । भावे कसायलोगो अहिगारो तस्स विजएणं ॥ १७५ ॥ लोगो भणिओ दवं खित्तं कालो अ भावविजओ अ । भवलोग भावविजओ पगयं जह बज्झई लोगो ॥ १७६ ॥
 विजिओ कसायलोगो सेयं खु तओ नियत्तिउं होइ । कामनियत्तमई खलु संसारा मुच्चई खिप्पं ॥ १७७ ॥ दब्वे खित्ते काले फल पज्जव गणण करण अब्भासे । गुणअगुणे अगुणगुणे भव सीलगुणे
 य भावगुणे ॥ १७८ ॥ दब्वगुणो दब्वं चिय गुणाण जं तंमि संभवो होइ । सच्चित्ते अच्चित्ते मीसंमि य होइ दब्वंमि ॥ १७९ ॥ संकुचिय वियसियत्तं एसो जीवस्स होइ जीवगुणो । पूरेइ हंदि लोगं
 बहुप्पएसत्तणगुणेण ॥ १८० ॥ देवकुरु सुसमसुसमा सिद्धी निब्भय दुगादिया चैव । कल भोअणुज्जु वंके जीवमजीवे य भावंमि ॥ १८१ ॥ मूले छक्कं दब्वे ओदइ उवएस आइमूलं च । खित्ते
 काले मूलं भावे मूलं भवे तिविहं ॥ १८२ ॥ ओदइयं उवदिट्टा आइ तिगं मूलभाव ओदइअं । आयरिओ उवदिट्टा विणयकसायादिओ आइ ॥ १८३ ॥ णामंठवणादविए खित्तऽट्टा उट्टु उरई
 वसही । संजम पग्गह जोहे अयल गणण संघणा भावे ॥ १८४ ॥ पंचसु कामगुणेषु य सहप्परिसरसरूवगंधेसुं । जस्स कसाया वट्ठंति मूलट्टाणं तु संसारे ॥ १८५ ॥ जह सबपायवाणं भूमीए
 पइट्टियाइं मूलाइं । इय कम्मपायवाणं संसारपइट्टिया मूला ॥ १८६ ॥ अट्टविहकम्मरूक्खा सब्बे ते मोहणिज्जमूलागा । कामगुणमूलगं वा तम्मूलागं च संसारो ॥ १८७ ॥ दुविहो अ होइ मोहो
 दंसणमोहो चरित्तमोहो अ । कामा चरित्तमोहो तेणऽहिगारो इहं सुत्ते ॥ १८८ ॥ संसारस्स उ मूलं कम्मं तस्सवि हुंति य कसाया । ते सयणपेसअत्थाइएसु अज्झत्थओ अ ठिआ ॥ १८९ ॥
 णामंठवणादविए उप्पत्ती पच्चए य आएसो । रसभावकसाए या तेण य कोहाइया चउरो ॥ १९० ॥ दब्वे खित्ते काले भवसंसारे य भावसंसारे । पंचविहो संसारो जत्थेते संसरंति जिआ ॥ १९१ ॥
 दब्वे खित्ते काले भवसंसारे य भावसंसारे । कम्मेण य संसारो तेणऽहिगारो इहं सुत्ते ॥ (अव्याख्या) ॥ णामंठवणाकम्मं दब्वकम्मं पओगकम्मं च । समुदाणिरियावहियं आहाकम्मं तवोकम्मं ॥ १९२ ॥
 किइकम्म भावकम्मं दसविहकम्मं समासओ होई । अट्टविहेण उ कम्मेण एत्थ होई अहीगारो ॥ १९३ ॥ संसारं छेत्तुमणो कम्मं उम्मूलए तदट्टाए । उम्मूलिज्ज कसाया तम्हा उ चइज्ज सयणाई
 ॥ १९४ ॥ माया मेत्ति पिया मे भगिणी भाया य पुत्त दारा मे । अत्थंमि चैव गिद्धा जम्मणमरणाणि पावंति ॥ १९५ ॥ अ० ३३० १ ॥ बिइउहेसे अदढो उ संजमे कोइ हुज्ज अरईए । अन्नाणकम्मलोभाइएहिं
 अज्झत्थदोसेहिं ॥ १९६ ॥ अ० २ ॥ पढमे सुत्ता अस्संजयत्ति १ बिइए दुहं अणुहवंति २ । तइए न हु दुक्खेणं अकरणयाए व समणुत्ति ३ ॥ १९७ ॥ उहेसंमि चउत्थे अहिगारो उ वमणं कसायाणं । पावविर-
 ईओं निउणो उ संजमो इत्थ मुक्खुत्ति ४ ॥ १९८ ॥ नामं ठवणा सीयं दब्वे भावे य होइ नायब्वं । एमेव य उण्हस्सवि चउब्विहो होइ निक्खेवो ॥ १९९ ॥ दब्वे सीयलदब्वं दव्वुण्हं चैव उण्हदव्वं तु ।
 भावे उ पुग्गलगुणो जीवस्स गुणो अणेगविहो ॥ २०० ॥ सीयं परीसहपमायुवसमविरई सुहं च उण्हं तु । परिसहतवुज्जमकसायसोगाहिवेयारई दुक्खं ॥ २०१ ॥ दारं ॥ इत्थी सक्कारपरीसहो य दो
 भावसीयला एए । सेसा वीसं उण्हा परीसहा हुंति नायव्वा ॥ २०२ ॥ जे तिब्वपरिणामा परीसहा ते भवंति उण्हा उ । जे मंदप्परिणामा परीसहा ते भवे सीया ॥ २०३ ॥ दारं ॥ धंमंमि जो पमायइ
 अत्थे वा सीअत्तुत्ति तं बिंति । उज्जुत्तं पुण अन्नं तत्तो उण्हंति णं बिंति ॥ २०४ ॥ सीईभूओ परिनिब्वुओ य संतो तहेव पण्हाणो (ण्हाओ) । होउवसंतकसाओ तेणुवसंतो भवे जीवो ॥ २०५ ॥
 अभयकरो जीवाणं सीयघरो संजमो भवइ सीओ । अस्संजमो य उण्हो एसो अन्नोऽवि पज्जाओ ॥ २०६ ॥ निव्वाणसुहं सीयं सीईभूयं पयं अणाबाहं । इहमवि जं किंचि सुहं तं सीयं दुक्खमवि
 १२४२ श्री आचारांग निर्युक्ति

उण्हं ॥२०७॥ डज्झइ तिब्वकसाओ सोगभिभूओ उइण्णवेओ य । उण्हयरो होइ तवो कसायमाईवि जं डहइ ॥२०८॥ सीउण्हफाससुहदुहपरीसहकसायवेयसोयसहो । हुज्ज समणो सया उज्जु-
 ओ य तवसंजमोवसमे ॥२०९॥ सीयाणि य उण्हाणि य भिक्खूणं हुंति विसहियद्वाइं । कामा न सेवियद्वा सीओसणिज्जस्स निज्जुत्ती ॥२१०॥ अ०३॥ सुत्ता अमुणिओ सया मुणिओ सुत्तावि जागरा
 हुंति । धम्मं पटुच्च एवं निद्वासुत्तेण भइयद्वा ॥२११॥ जह सुत्तमत्तमुच्छिय असहीणो पावए बहुं दुक्खं । तिब्वं अप्पडियारंमि वट्टमाणो तहा लोगो ॥२१२॥ एसेव य उवएसो पदित्त पयलाय
 पंथमाईसुं । अणुहवइ जह सचेओ सुहाइं समणोऽवि तह चेव ॥२१३॥ अ०३॥ पढमे सम्मावाओ बीए धम्मप्पवाइयपरिक्खा । तइए अणवज्जतवो न हु बालतवेण मुक्खुत्ति ॥२१४॥ उद्देसंमि चउत्थे
 समासवयणेण णियमणं भणियं । तम्हा य नाणदंसणतवचरणे होइ जइयद्वा ॥२१५॥ नामंठवणासम्मं दव्वसम्मं च भावसम्मं च । एसो खलु सम्मस्सा निक्खेवो चउविहो होइ ॥२१६॥ अह
 दव्वसम्म इच्छाणुलोमियं तेसु तेसु दव्वेसुं । कयसंखयसंजुत्तो पउत्त जढ भिण्ण छिण्णं वा ॥२१७॥ तिविहं तु भावसम्मं दंसण नाणे तहा चरित्ते य । दंसणचरणे तिविहं नाणे दुविहं तु नायद्वा
 ॥२१८॥ कुणमाणोऽवि य किरियं परिच्चयंतोऽवि सयणधणभोए । दंतोऽवि दुहस्स उरं न जिणइ अंधो पराणीयं ॥२१९॥ कुणमाणोऽवि निवित्तिं परिच्चयंतोऽवि सयणधणभोए । दिंतोऽवि दुहस्स
 उरं मिच्छदिट्ठी न सिज्झइ उ ॥२२०॥ तम्हा कम्माणीयं जेउमणो दंसणंमि पयइज्जा । दंसणवओ हि सफलाणि हुंति तवनाणचरणाइं ॥२२१॥ सम्मत्तुपत्ती सावए य विरए अणंतकम्मंसे । दंस-
 णमोहक्खवए उवसामन्ते य उवसंते ॥२२२॥ खवए य खीणमोहे जिणे अ सेढी भवे असंखिज्जा । तव्विरीओ कालो संखिज्जगुणाइ सेढीए ॥२२३॥ आहारउवहिपूआइड्डीसु य गारवेसु कइ-
 तवियं । एमेव बारसविहे तवंमि न हु कइतवे समणो ॥२२४॥ सु. जे जिणवरा अईया जे संपइ जे अणागए काले । सब्बेऽवि ते अहिंसं वदिति वदिहिति विवदिति ॥२२५॥ छप्पिय जीवनिकाए
 णोऽवि हणे णोऽवि अ हणाविज्जा । नोऽविअ अणुमन्निज्जा सम्मत्तस्सेस निज्जुत्ती ॥२२६॥ अ४उ०१ । खुड्ढुग पायसमासं धम्मकहंपि य अजंपमाणेणं । छन्नेण अन्नलिंगी परिच्छिया रोहगुत्तेणं
 ॥२२७॥ भिक्खं पविट्ठेण मएऽज्ज दिट्ठं, पमयामुहं कमलविसाल्लनेत्तं । वक्खित्तचित्तेण न सुट्ठु नायं, सकुंडलं वा वयणं नवत्ति ॥२२८॥ फलोदएणं मि गिहं पविट्ठो, तत्थासणत्था पमया मि
 दिट्ठा । वक्खित्तचित्तेण न सुट्ठु नायं, सकुंडलं वा वयणं नवत्ति ॥२२९॥ मालाविहारंमि मएऽज्ज दिट्ठा, उवासिया कंचणभूसियंगी । वक्खित्तचित्तेण न सुट्ठु नायं, सकुंडलं वा वयणं नवत्ति
 ॥२३०॥ खंतस्स दंतस्स जिइंदियस्स, अज्झप्पजोगे गयमाणसस्स । किं मज्झ एएण विचिंतिएणं ?, सकुंडलं वा वयणं नवत्ति ॥२३१॥ उल्लो सुक्को य दो छूढा, गोल्या मट्टियामया । दोवि
 आवट्टिया कुड्ढे, जो उल्लो तत्थ (सोऽत्थ) लग्गइ ॥२३२॥ एवं लग्गंति दुम्मेहा, जे नरा कामलालसा । विरत्ता उ न लग्गंति, जहा से सुक्कगोलए ॥२३३॥ अ४उ२ । जह खलु झुसिरं कट्ठं सुचिरं सुक्कं
 लहुं डहइ अग्गी । तह खलु खवंति कम्मं सम्मंचरणे ठिया साहू ॥२३४॥ अ०४ । हिंसग विसयारंभग एगचरुत्ति न मुणी पढमगंमि । विरओ मुणित्ति बिइए अविरगवाई परिग्गहिओ ॥२३५॥
 तइए एसो अपरिग्गहो य निव्विन्नकामभोगो य । अब्बत्तस्सेगचरस्स पच्चवाया चउत्थंमि ॥२३६॥ हरओवम तवसंयमगुत्ती निस्संगया य पंचमए । उम्मग्गवज्जणा छट्ठगंमि तह रागदोसे य
 ॥२३७॥ आयाणपएणावंति गोण्णनामेण लोगसारुत्ति । लोगस्स य सारस्स य चउक्कओ होइ निक्खेवो ॥२३८॥ सब्बरस थूल गुरुए मज्झे देसप्पहाण सरिराई । धण एरंडे वइरे खइरं च जिणा-
 दुरालाई ॥२३९॥ भावे फलसाहणया फलओ सिद्धी सुहुत्तमवरिट्ठा । साहणय नाणदंसणसंजम तवसा तहिं पगयं ॥२४०॥ लोगंमि कुसमएसु य कामपरिग्गहकुमग्गल्लगेसुं । सारो ह नाणदं-
 सणतवचरणगुणा हियट्ठाए ॥२४१॥ चइऊणं संकपयं सारपयमिणं दढेण घित्तद्वां । अत्थि जिओ परमपयं जयणा जा रागदोसेहिं ॥२४२॥ लोगस्स उ को सारो ? तस्स य सारस्स को हवइ
 १३४३ श्री आचारांग निर्युक्ति

सारो ? । तस्स य सारो सारं जइ जाणसि पुच्छिओ साह ॥२४३॥ लोगस्स सार धम्मो धम्मंपिय नाणसारियं विति । नाणं संजमसारं संजमसारं च निव्वाणं ॥ २४४ ॥ चारो चरिया चरणं एगट्टं वंजणं तहिं छकं । दबं तु दासुसंकमजलथलचाराइयं बहुहा ॥२४५॥ खित्तं तु जंमि खित्ते कालो काले जहिं भवे चारो । भावंमि नाणदंसण चरणं तु पसत्थमपसत्थं ॥२४६॥ लोगे चउ-
 द्विहंमी समणस्स चउव्विहो कहां चारो ? । होइ धिई अहिगारो विसेसओ खित्तकालेसुं ॥२४७॥ पावोवरए अपरिग्गहे अ गुरुकुलनिसेवए जुत्ते । उम्मग्गवज्जए रागदोसविरए य से विहरे ॥२४८॥ अ०५। पढमे नियगविहुणणा कम्माणं वितियए तइयगंमि । उवगरणसरीराणं चउत्थए गारवतिगस्स ॥२४९॥ उवसग्गा सम्माणय विहुअणा पञ्चमंमि उद्देसे । दबधुयं वत्थाई भावधुयं कम्म-
 मट्टविहं ॥२५०॥ अहियासित्तुवसग्गे दिव्वे माणुस्सए तिरिच्छे य । जो विहुणइ कम्माइं भावधुयं तं वियाणाहि ॥२५१॥ अ०६। गाहावइसंजोगो कुसीलसेवा तहेवय सपक्खे । परिणाए य विवेगो पढमुद्देसम्मि अहिगारो ॥२५२॥ बीए मग्गविजहणा देहविभूसा य मेहुणासेवा । गब्भस्स य आदाणं परिसाडण पोसणा चेव ॥ २५३ ॥ तइए खलुंकभावो आमिसपुच्छाविजहणा वसणे । पास-
 वणुच्चाराणं किरिया धुवणं च वत्थस्स ॥२५४॥ विधुवणवेहाणसदत्थकम्मा इत्थीण विप्पजहणा य । देहस्स य परिकम्मं तिसमुट्टाणंति जहियव्वं ॥ २५५ ॥ चउथंमि य धुवणविही परिहरणविही य होइ वत्थस्स । तस्सेव वण्णकरणमणुन्नवणावग्गहस्सेव ॥ २५६ ॥ कटगासणपरिभोगो सिज्जायरपिंडवज्जणं चेव । सपरिग्गहपरिमाणं विवज्जणं सन्निहिस्सेव ॥ २५७ ॥ पंचमए अट्टपदे अज्जणधम्मंमि तह समुट्टाणं । थावरकायाण दया अक्कोसवहाहियासणया ॥ २५८ ॥ तसकायसमारंभो गिहमत्तविवज्जणं नवित्थीणं । जे याविय अविदिण्णा ठाणा तेसिं च सब्बेसिं ॥ २५९ ॥
 छट्टे परिवाओ संजमाउ धुवणंमि जो अ अहिगारो । आसेवणया य भवे सिणाणपरिभोगवज्जणया ॥ २६० ॥ सम्मत्ते निच्चलया सीयपरीसहहियासणं धुवणं । सूईमाईयाणं च सण्णिही अट्ट-
 पडिकाते ॥ २६१ ॥ आसंदीयअकरणं उवएसाणानिकायणा चेव । संलेहणियाणेया भत्तपरिणंतकिरिया य ॥ २६२ ॥ पाहण्णे महसदो परिमाणे चेव होइ नायव्वो । पाहण्णे परिमाणे य छव्विहो होइ निक्खेवो ॥ २६३ ॥ दबे खित्ते काले भावंमि य होंति या पहाणा उ । तेसि महासदो खलु पाहण्णेणं तु निप्फन्नो ॥ २६४ ॥ दबे खित्ते काले भावंमि य जे भवे महंता उ । तेसु महासदो खलु पमाणओ होति निप्फन्नो ॥ २६५ ॥ दबे खित्ते काले भावपरिण्णा य होइ बोद्धवा । जाणणओ व वक्खाणओ य दुविहा पुणेक्केका ॥ २६६ ॥ भावपरिण्णा दुविहा मूलगुणे चेव उत्तरगुणे य । मूलगुणे पंचविहा दुविहा पुण उत्तरगुणेषु ॥२६७॥ पाहण्णेण उ पगयं भावपरिण्णाए य तहय दुविहाए । परिण्णाणेषु पहाणे महापरिण्णा तओ होइ ॥२६८॥ देवीणं मणुईणं तिरि-
 क्खजोणीगणाण इत्थीणं । तिविहेण परिच्चाओ महापरिण्णाए निज्जुत्ती ॥ २६९ ॥ अ०७। असमणुन्नस्स विमुक्खो पढमे बिइए अकप्पियविमुक्खो । पडिसेहणा य रुट्टस्स चेव सब्भावकहणा य ॥२७०॥ (२५२) तइयंमि अंगचिट्ठाभासिय आसंकिए य कहणा य । सेसेसु अहीगारो उवगरणसरीरमुक्खेषु ॥२७१॥ उद्देसंमि चउत्थे वेहाणसगिद्धपिट्टमरणं च । पंचमए गेलन्नं भत्तपरिच्चा य बोद्धवा ॥२७२॥ छट्टंमि उ एगत्तं इंगिणिमरणं च होइ बोद्धव्वं । सत्तमए पडिमाओ पायवगमणं च नायव्वं ॥२७३॥ अणुपुव्विविहारीणं भत्तपरिच्चा य इंगिणीमरणं । पायवगमणं च तहा अहिगारो होइ अट्टमए ॥२७४॥ नामंठवणविमुक्खो दबे खित्ते य काल भावे य । एसो उ विमुक्खस्सा निक्खेवो छव्विहो होइ ॥२७५॥ दबविमुक्खो नियलाइएसु खित्तंमि चारयाईसुं । काले चेइय-
 महिमाइएसु अणघायमाईओ ॥ २७६ ॥ दुविहो भावविमुक्खो देसविमुक्खो य सब्बमुक्खो य । देसविमुक्खा साहू सब्बविमुक्खा भवे सिद्धा ॥ २७७ ॥ कम्मयदबेहि समं संजोगो होइ जो उ जीवस्स । सो बंधो नायव्वो तस्स वियोगो भवे मुक्खो ॥२७८॥ जीवस्स अत्तजणिएहिं चेव कम्मेहिं पुव्वबद्धस्स । सब्बविवेगो जो तेण तस्स अह इत्तिओ मुक्खो ॥ २७९ ॥ भत्तपरिच्चा इंगिणि पायवगमणं च होइ नायव्वं । जो मरइ चरिममरणं भावविमुक्खं वियाणाहि ॥ २८० ॥ सपरक्कमे य अपरक्कमे य वाघाय आणुपुव्वीए । सुत्तत्थजाणएणं समाहिमरणं तु कायव्वं ॥ २८१ ॥ सपरक्कममाएसो जह मरणं होइ अज्जवइराणं । पायवगमणं च तहा एयं अपरक्कमं मरणं ॥२८२॥ अपरक्कममाएसो जह मरणं होइ उदहिनामाणं । पाओवगमेऽवि य तहा एयं अपरक्कमं मरणं ॥ २८३ ॥ वाघाइयमाएसो अवरद्धो हुज्ज अन्नतरएणं । तोसलि महिसीइ हओ एयं वाघाइयं मरणं ॥२८४॥ अणुपुव्विगमाएसो पव्वजासुत्तअत्थकहणं च । वीसज्जिओ (उ) निन्तो मुक्को तिवि-
 हस्स नीयस्स ॥ २८५ ॥ पडिचोइओ य कुविओ रण्णो जह तिक्ख सीयला आणा । तंबोले य विवेगो घट्टणया जा पसाओ य ॥ २८६ ॥ निप्फाइया य सीसा सउणी जह अंडगं पयत्तेणं । बारससंवच्छरियं सो संलेहं अह करेइ ॥२८७॥ चत्तारि विचित्ताइं विगईनिज्जुहियाइं चत्तारि । संवच्छरे य दुन्नि उ एगंतरियं तु आयामं ॥२८८॥ नाइविगिट्ठो उ तवो छम्मासे परिमियं तु आया-
 मं । अच्चेऽवि य छम्मासे होइ विगिट्ठं तवोकम्मं ॥२८९॥ वासं (प्र. बारस) कोडीसहियं आयामं काउ आणुपुव्वीए । गिरिकंदरंमि गंतुं पायवगमणं अह करेइ ॥२९०॥ कह नाम सो तवोकम्मपंडिओ जो न निच्चुत्तप्पा । लहुविशी परिक्खेवं वच्चइ जेमंतओ चेव ? ॥२९१॥ आहारेण विरहिओ अप्पाहारो य संवरनिमित्तं । हासंतो हासंतो एवाहारं निरुंमिज्जा ॥२९२॥ अ० ८। जो जइया तित्थयरो सो तइया अप्पणो य तित्थम्मि । वण्णेइ तवोकम्मं ओहाणसुयंमि अज्झयणे ॥ २९३ ॥ सब्बेसिं तवोकम्मं निरुवसग्गं तु वण्णिय जिणाणं । नवरं तु वद्धमाणस्स सोवसग्गं मणेयव्वं ॥ २९४ ॥

तित्थयरो चउनाणी सुरमहिओ सिज्झियव्वय धुवम्मि । अणिगूहियबलविरिओ तवोवहाणंमि उज्जमइ ॥२९५॥ किं पुण अवसेसेहिं दुक्खक्खयकारणा सुविहिएहिं । होइ न उज्जमियव्वं सपच्च-
 वायंमि माणुस्से ? ॥२९६॥ चरिया१ सिज्जा२ य परीसहा३ य आयंकिया (ए) चिगिच्छा४ य । तवचरणेणऽहिगारो चउसुद्देसेसु नायव्वो ॥२९७॥ नामंठवणुवहाणं दव्वे भावे य होइ नायव्वं ।
 एमेव य सुत्तस्सवि निक्खेवो चउविहो होइ ॥२९८॥ दव्वुवहाणं सयणे भावुवहाणं तवो चरित्तस्स । तम्हा उ नाणदंसणतवचरणेहिं इहाहिगयं ॥२९९॥ जह खलु मइलं वत्थं सुज्झइ उदगाइ-
 एहिं दव्वेहिं । एवं भावुवहाणेण सुज्झइ कम्ममट्टविहं ॥३००॥ ओधुणण धुणण नासण विणासणं झवण खवण सोहिकरं । छेयण भेयण फेडण डहणं धुवणं च कम्माणं ॥३०१॥ एवं तु समणुचिच्चं
 वीरवरेणं महाणुभावेणं । जं अणुचरित्तु धीरा सिवमचलं जन्ति निव्वाणं ॥३०२॥ (२८४) अ० ९, श्रुत. १। दव्वोगाहण आएस काल कम गणण संचए भावे । अग्गं भावे उ पहाणवहुयउवयारओ तिविहं
 ॥३०३॥ उवयारेण उ पगयं आयारस्सेव उवरिमाइं तु । रुक्खस्स पव्वयस्स य जह अग्गाइं तहेयाइं ॥ ३०४ ॥ थेरेहिऽणुग्गहट्टा सीसहिअं होउ पागडत्थं च । आयाराओ अत्थो आयारंगेसु पविभत्तो
 ॥३०५॥ बिइअस्स य पंचमए अट्टमगस्स बिइयंमि उद्देसे । भणिओ पिंडो सिज्जा वत्थं पाउग्गहो चेव ॥३०६॥ पंचमगस्स चउत्थे इरिया वण्णिज्जइ समासेणं । छट्टस्स य पंचमए भासज्जायं विया-
 णाहि ॥३०७॥ सत्तिक्कगाणि सत्तवि निज्जूढाइं महापरिच्चाओ । सत्थपरिच्चा भावण निज्जूढाओ धुयविमुत्ती ॥ ३०८ ॥ आयारपकप्पो पुण पच्चक्खाणस्स तइयवत्थओ । आयारनामधिज्जा
 वीसइमा पाहुडच्छेया ॥३०९॥ अब्बोगडो उ भणिओ सत्थपरिच्चाय दंडनिक्खेवो । सो पुण विमज्जमाणो तहा तहा होइ नायव्वो ॥३१०॥ एगविहो पुण सो संजमुत्ति अज्झत्थ वाहिरो य दुहा ।
 मणवयणकाय तिविहो चउव्विहो चाउजामो उ ॥३११॥ पंच य महव्वयाइं तु पंचहा राइभोअणे छद्दा । सीलंगसहस्साणि य आयारस्सप्पवीभागा ॥ ३१२ ॥ आइक्खिउं विभइउं विच्चाउं चेव
 सुहतरं होइ । एएण कारणेणं महव्वया पंचपन्नत्ता ॥ ३१३ ॥ तेसिं च रक्खणट्टा भावणा पंच पंच इक्किक्के । ता सत्थपरिच्चाए एसो अग्गिभत्तो होई ॥ ३१४ ॥ जावोग्गहपडिमाओ पढमा सत्ति-
 क्कगा बिइअचूला । भावण विमुत्ति आयारपकप्पा तिच्ची इअ पंच ॥३१५॥ (अ० १, १०) पिंढेसणाए जा णिज्जुत्तीसा चेव होइ सेज्जाए । वत्थेसण पाएसण उग्गहपडिमाए सच्चेव ॥३१६॥ सव्वा वयण-
 विसोही णिज्जुत्ती जा य वक्कसुद्धीए । सच्चेव णिरवसेसा भासज्जाएवि णायव्वा ॥३१७॥ सेज्जा इरिया तह उग्गहे य तिण्हं पि छक्कणिक्खेवो । पिंढे भासा वत्थे पाए य चउक्क णिक्खेवो ॥३१८॥
 दव्वे खित्ते काले भावे सिज्जा य जा तहिं पगयं । केरिसिया सिज्जा खलु संजयजोगत्ति नायव्वा ? ॥३१९॥ तिविहा य दव्वसिज्जा सच्चित्ताऽचित्त मीसगा चेव । खित्तंमि जंमि खित्ते काले जा
 जंमि कालंमि ॥ ३२० ॥ उक्कलकलिंग गोअम वग्गुमई चेव होइ नायव्वा । एयं तु उदाहरणं नायव्वं दव्वसिज्जाए ॥ ३२१ ॥ दुविहा य भावसिज्जा कायगए छव्विहे य भावंमि । भावे जो जत्थ
 जया सुहदुहगन्भाइसिज्जासु ॥३२२॥ सब्बेऽवि य सिज्जविसोहिकारगा तहवि अत्थि उ विसेसो । उद्देसे उद्देसे वुच्छामि समासओ किंचि ॥ ३२३ ॥ उग्गमदोसा पढमिह्यंमि संसत्त पच्चवाया
 य १ । वीयंमि सोअवाइं बहुविहसिज्जाविवेगो २ य ॥३२४॥ तइए जयंतल्लणा सज्झायस्सऽणुवरोहि जइयव्वं । समविसमाइंएसु य समणेणं निज्जरट्टाए ३ ॥३२५॥ (अ० २, ११) नामं १ ठवणा इरिया २
 दव्वे ३ खित्ते ४ य काल ५ भावे ६ य । एसो खलु इरियाए निक्खेवो छव्विहो होइ ॥३२६॥ दव्वइरिया उ तिविहा सच्चित्ताचित्तमीसगा चेव । खित्तंमि जंमि खित्ते काले कालो जहिं होइ ॥३२७॥
 भावइरिया उ दुविहा चरणिरिया चेव संजमिरिया य । समणस्स कहं गमणं निदोसं होइ परिसुद्धं ? ॥३२८॥ आलंबणे य काले मग्गे जायणाइ चेव परिसुद्धं । भंगेहिं सोल्लसविहं जं परिसुद्धं
 पसत्थं तु ॥३२९॥ चउकारणपरिसुद्धं अहवावि (हु) होज्ज कारणज्जाए । आलंबणजयणाए काले मग्गे य जइयव्वं ॥३३०॥ सब्बेऽवि ईरियविसोहिकारगा तहवि अत्थि उ विसेसो । उद्देसे उद्देसे
 वुच्छामि जहक्कमं किंचि ॥ ३३१ ॥ पढमे उवागमण निग्गमो य अद्दाण नावजयणा य । बिइए आरूढल्लणं जंघासंतार पुच्छा य ॥ ३३२ ॥ तइयंमि अदायणया अप्पडिबंधो य होइ
 उवहिंमि । वज्जेयव्वं च सया संसारियरायगिहगमणं ॥३३३॥ (अ० ३, १२) जह वक्कं तह भासा जाए छक्कं च होइ नायव्वं । उप्पत्तीए १ तह पज्जवं २ तरे ३ जायगहणे ४ य ॥३३४॥ सब्बेऽवि य वयण-
 विसोहिकारगा तहवि अत्थि उ विसेसो । वयणविभत्ती पढमे उप्पत्ती वज्जणा बीए ॥३३५॥ (अ० ४, १३) पढमे गहणं बीए धरणं पगयं तु दव्ववत्थेणं । एमेव होइ पायं भावे पायं तु गुणधारी ॥३३६॥
 (अ० ५-६, १४-१५) दव्वे खित्ते काले भावेऽवि य उग्गहो चउद्दा उ । देविंद १ रायउग्गह २ गिहवइ ३ सागरिय ४ साहम्मि ५ ॥ ३३७ ॥ दव्वुग्गहो उ तिविहो सच्चित्ताचित्तमीसगो चेव । खित्तुग्गहोऽवि
 तिविहो दुविहो कालुग्गहो होइ ॥३३८॥ मइउग्गहो य गहणुग्गहो य भावुग्गहो दुहा होइ । इंदियनोइंदियअत्थवंजणे उग्गहो दसहा ॥३३९॥ गहणुग्गहम्मि अपरिग्गहस्स समणस्स गहणपरिणामो ।
 कह पाडिहारियाऽपाडिहारिए होइ जइयव्वं ? ॥३४०॥ (अ. ७, १६) सत्तिक्कगाणि इक्कस्सराणि पुव्व भणियं तहिं ठाणं । उदट्टाणे पगयं निसीहियाए तहिं छक्कं ॥३४१॥ (अ० ८-९, १७-१८) उच्चवइ
 सरीराओ उच्चारो पसवइत्ति पासवणं । तं कह आयरमाणस्स होइ सोही न अइयारो ? ॥३४२॥ मुणिणा छक्कायदयावरेण सुत्तभणियंमि ओगासे । उच्चारविउस्सगो कायव्वो अप्पमत्तेणं ॥३४३॥ (अ. १०,
 ११) [दव्वं संठाणाइं भावो वन्नकसिणं सभावो य] । दव्वं सहपरिणयं भावो उ गुणा य कित्ती य ॥३४४॥ दव्वं संठाणाइं भावो वन्न कसिणं सभावो य । [दव्वं सहपरिणयं भावो उ गुणा य कित्ती य] ॥३४५॥

१३४४ श्री आचारांग निर्युक्ति

मुनि दीपरत्तसागर

(अ. ११-१२, २०-२१) छकं पर इक्किं त १ दन्न २ माएस ३ कम ४ बहु ५ पहाणे ६ । (अ. १३, २२) अन्ने छकं तु पुण तदन्नमाएसओ चेव ॥ ३४६ ॥ जयमाणस्स परो जं करेइ जयणाए तत्थ अहिगारो ।
 निप्पडिकम्मस्स उ अन्नमन्नकरणं अजुत्तं तु ॥ ३४७ ॥ (अ. १४, २३) दब्बं गंधंग तिलाइएसु सीउण्हविसहणाईसु । भावंमि होइ दुविहा पसत्थ तह अप्पसत्था य ॥ ३४८ ॥ पाणिवहमुसावाए अदत्तमेह-
 णपरिग्गहे चेव । कोहे माणे माया लोभे य हवंति अपसत्था ॥ ३४९ ॥ दंसणनाणचरित्ते तववेरग्गे य होइ उ पसत्था । जा य जहा ता य तहा लक्खण वुच्छं सलक्खणओ ॥ ३५० ॥ तित्थगराण भगवओ
 पवयणपावयणिअइसइड्डीणं । अभिगमणनमणदरिसणकित्तणसंपूअणाथुणणा ॥ ३५१ ॥ जम्माभिसेयनिक्खमणचरणनाणुप्पया य निव्वाणे । दियलोअभवनमंदरनंदीसरभोमनगरेसुं ॥ ३५२ ॥ अट्टा-
 वयमुज्जिते गयग्गपयए य धम्मचक्के य । पासरहावत्तनगं चमरुप्पायं च वंदामि ॥ ३५३ ॥ गणियं निमित्त जुत्ती संदिट्ठी अवितहं इमं नाणं । इय एगंतमुवगया गुणपच्चइया इमे अत्था ॥ ३५४ ॥ गुणमा-
 हप्पं इसिनामकित्तणं सुरनरिंदपूया य । पोराणचेइयाणि य इय एसा दंसणे होइ ॥ ३५५ ॥ तत्तं जीवाजीवा नायवा जाणणा इहं दिट्ठी । इह कज्जकरणकारगसिद्धी इह बंधमुक्खो य ॥ ३५६ ॥ बद्धो य
 बंधहेऊ बंधणबंधप्फलं सुकहियं तु । संसारपवंचोऽविय इहयं कहिओ जिणवरेहिं ॥ ३५७ ॥ नाणं भविस्सई एवमाइया वायणाइयाओ य । सज्झाए आउत्तो गुरुकुलवासो य इय नाणे ॥ ३५८ ॥
 साहुमहिंसाघम्मो सच्चमदत्तविरई य बंभं च । साहु परिग्गहविरई साहु तवो बारसंगो य ॥ ३५९ ॥ वेरग्गमप्पमाओ एगत्ता (ग्गे) भावणा य परिसंगं । इय चरणमणुगयाओ भणिया इत्तो तवो वुच्छं
 ॥ ३६० ॥ किह मे हविज्जऽवंझो दिवसो ? किं वा पहू तवं काउं ? । को इह दब्बे जोगो खित्ते काले समयभावे ? ॥ ३६१ ॥ उच्छाहपालणाए इति (एव) तवे संजमे य संघयणे । वेरग्गेऽणिच्चाई होइ चरित्ते
 इहं पगयं ॥ ३६२ ॥ (अ. १५, २४) अणिच्चे पव्वए रुप्पे भुयगस्स तहा (या) महासमुद्दे य । एए खलु अहिगारा अज्झयणंमी विमुत्तीए ॥ ३६३ ॥ जो चेव होइ मुक्खो सा उ विमुत्ति पगयं तु भावेणं । देस-
 विमुक्का साहू सब्बविमुक्का भवे सिद्धा ॥ ३६४ ॥ (अ. १६, २५) आयारस्स भगवओ चउत्थचूलाइ एस निजुत्ती । पंचमचूलनिसीहं तस्स य उवरिं भणीहामि ॥ ३६५ ॥ सत्तहिं छहिं चउचउहि य पंचहि
 अट्टट्टचउहि नायवा । उद्देसएहिं पढमे सुयखंधे नव य अज्झयणा ॥ ३६६ ॥ इक्कारस ति ति दो दो दो दो उद्देसएहिं नायवा । सत्त य अट्ट य नवमा इक्कसरा हुंति अज्झयणा ॥ ३६७ ॥ समाप्ता श्रीश्रुत-
 केवलिभगवद्भद्रबाहुस्वामिविरचिता निर्ग्रन्थगच्छक्रमायातश्रीमत्तपोगच्छाधिपभूपेन्द्रबोधकसिद्धान्तवाचकाऽऽगमोद्धारकश्रीमत्सागरानंदसूरिपुरंदरसंशोधिता भगवदाचाराङ्गसूत्रनिर्युक्तिः ॥